



KEMENTERIAN PERTANIAN DAN KETERJAMINAN MAKANAN

Ministry of Agriculture and Food Security

Wisma Tani

No 28, Persiaran Perdana, Presint 4

Pusat Pentadbiran Kerajaan Persekutuan

62624 PUTRAJAYA,

MALAYSIA

No. Telefon : 03-8000 8000

No. Faks : 03-8888 6020

Laman Web : www.kpk.gov.my

SIARAN MEDIA

KUNJUNGAN HORMAT PRESIDEN ECONOMIC RESEARCH INSTITUTE FOR ASEAN AND EAST ASIA (ERIA) KE ATAS TIMBALAN MENTERI PERTANIAN DAN KETERJAMINAN MAKANAN (KPKM)

KUALA LUMPUR, 5 OKTOBER 2023 –Timbalan Menteri Pertanian dan Keterjaminan Makanan (KPKM), Tuan Chan Foong Hin, menerima kunjungan hormat daripada Presiden Economic Research Institute for ASEAN and East Asia (ERIA), Professor Tetsuya Watanabe, semasa Mesyuarat Menteri-Menteri Pertanian dan Perhutanan ASEAN (AMAF) kali ke-45 dan Mesyuarat-Mesyuarat Berkaitan, pada 4 Oktober 2023.

ERIA merupakan sebuah organisasi antarabangsa yang bekerjasama dengan Sekretariat ASEAN serta institut penyelidikan dari kawasan Asia Timur untuk menyediakan pelan cadangan polisi dan analisa penyelidikan.

Sesi ini merupakan pertemuan pertama antara keduanya bertujuan membincangkan cadangan penyelidikan dan polisi yang berkaitan. Melalui pertemuan ini, ERIA menjemput Malaysia bekerjasama dalam melaksanakan kajian penyelidikan berkaitan sektor pertanian dan makanan.

Turut hadir Timbalan Ketua Setiausaha (Dasar), Datuk Azah Hanim Ahmad, Ketua Pengarah Institut Penyelidikan dan Kemajuan Pertanian Malaysia (MARDI), Dato' Dr. Mohamad Zabawi Bin Abdul Ghani dan wakil daripada Jabatan Pertanian Malaysia (DOA), Jabatan Perikanan Malaysia (DOF) dan Jabatan Perkhidmatan Veterinar (DVS).

Mesyuarat Menteri-Menteri ASEAN Mengenai Pertanian dan Perhutanan (AMAF) ke-45 berlangsung di Kuala Lumpur pada 2 hingga 6 Oktober ini memberi tumpuan untuk mengukuhkan kedudukan ASEAN sebagai 'bakul makanan dunia.' Selaku tuan rumah, Malaysia menyatakan komitmen untuk melipatgandakan usaha memacu kerjasama lebih erat antara negara anggota bagi memelihara keterjaminan makanan di rantau ini.

**KEMENTERIAN PERTANIAN DAN KETERJAMINAN MAKANAN
5 OKTOBER 2023**